

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 129. An & qualiter duæ partes Capituli constituant & repræsentent
totum Capitulum, sint que necessariæ ad hoc, ut actus Capitulares
valeant.

[urn:nbn:de:hbz:466:1-73957](#)

Quæst. 128. Quo in loco habendum Capitulum?

1. Resp. Capitulum secundum jus commune celebrari debet in ecclesia & loco ad hoc determinato, nec sine justa causa transferri potest ad locum alium, c. quod sicut de elec. juncta Gl. v. constitutiones. c. quia fronte. de appell. juncta Gl. v. Canonicum. Fagn. in e. cum injuncto. n. 17. Quin & Episcopum, ubi aliquid non spectans ad suam privatam suorumque utilitatem vult proponere, non posse Capitulum congregare & celebrare in suis ædibus, sed debere accedere ad ecclesiam locumque alias consuetum Capituli, juxta S. Cong. allerii Fagn. loc. cit. num. 18.

2. Dixi tamen: Sine justa causa: dum enim Capitulum tutò convenire nequit in ecclesia vel loco ordinario Capitulari, dubium non est, quin alibi haberi possit; ubi congruere videbitur Arg. c. in nomine domini. dis. 23. Et sic etiam repulso Episcopo ab ingressu sua civitatis, videtur causa justa translationis Capituli ad alium locum extra illam, ubi cum Canonicis suis liberet de negotiis suæ ecclesia. Ita cum de jure & ex Trident. facultatem habet in casu supra dicto convocando Capitulum, eamque facultatem in Ecclesia sua Cathedrali exercere nequeat per Vicarium repugnante Concilio, per se propter impedimentum à civitate injectum, consequens est, ut eam exercere possit extra dictam Ecclesiam. Arg. c. statutus. de off. ordinari. in 6. ubi, quod cui committitur aliquid certo loco expedientum, & is illud ibi securè exercere nequeat, possit illud extra eum expedire. Fagn. loc. cit. num. 23. & seq. De cætero quod dictum à me in for. benef. p. 2. quest. 320. num. 3. de loco electionis, videtur quoque locum habere in aliis actibus capitularibus; nimis, ut hi quoque ex rationabili & publica causa (fecit est de causa privata aliquorum Capitularium) si haberi nequeant in loco consueto, haberi possint & debeant extra illum, ita ut tunc minor etiam pars ad locum consuetum adire non teneatur, sed possit ab eo justè appellare. Reliqua spectantia specialiter ad locum habendæ Capitularis electionis; nimis, quod hæc habita extra fines ecclesie aut locum consuetum, in loco tamen honesto, etiam circa causam rationabilem, non sit ipso jure irrita, nec etiam jure irritanda, excepta electione Papæ, qua facta extra conclave est nulla juxta c. ubi periculum. de elec. in 6. & Bullam Gregorii XV. aeterni Paris. Teneat quoque facta in loco interdicto; nec sit irrita aut irritanda facta in locis abditis, etiam secretissimis, vide apud me loc. cit. quest. 321. & seq.

Quæst. 129. An & qualiter due partes Capituli constituant & representent totum Capitulum, sintque necessariae ad hoc, ut actus Capitulares valeant?

1. Resp. primò: Ad totum Capitulum constituendum & representandum non sufficit major pars, sed requiritur, ut duæ tertiae partes sint presentes. Fagn. loc. cit. n. 48. juxta L. plane & L. null. ff. quod cuiusque univers. nomine. & L. nominationum, C. de Decurion, & haec duas partes representant totam communitatem, quæ est persona facta & representata, L. mortuo. ff. de fidejuss. l. 3. ff. de decretis ab ordin. faciend. Abb. in c. 1. b. t. num. 16.

2. Resp. secundò: Ut Capitulum censeatur tractasse quid capitulariter, actusque ab univer-

sitate gestus valeat, requiritur inter cætera (quæ sunt, ut omnes habentes jus suffragii, si potuerunt vocari, sive legitimè vocati & collegialiter congregati, & non separatim suum suffragium tulerint,) dictas duas partes fuisse præsentes, juxta cit. L. null. & L. plane; cum hac tamen distinctione inter Canonistas communis, quam tenet Abb. in c. cum omnes. de constit. num. 13. Felin. ibid. n. 34. Host. Jo And. Butrio, Rota in Paduan. Sedilium. 28. April. 1617. quam & quos citat Fagn. in c. cum injuncto. de nov. oper. nunc. num. 49. nimis, quod in casu, quo nullus adesset superior, ad quem spectet convocatio Capituli seu Universitatis, ut valeat actus, debeant ad minimum convenire duas partes, a quibus monenda seu convocanda pars tertia seu cæteri (qui alias de contemptu agere possent,) qui commodè vocari possunt, & si vocati venire noluerint, pergere possunt dictæ duæ partes ad actum Capitularem, & ita cum Canonistis Civilistæ. Si vero adgit superior talis, & ad ejus mandatum seu convocationem non convenientes omnes, qui vocari poterant & debebant, venientes, etiam si non faciant duas tertias; inò, si non constituant majorem partem Capituli, possunt procedere ad actum Capitularem; eo quod tunc convocatio illa superioris constitutæ non venientes in contumacia, quæ privat illos jure ferendi suffragii pro illa vice, & ita Canonistæ.

Quæst. 130. Quænam dicatur pars maior & senior Capituli?

1. Resp. primò: Major pars Capitularium sumenda non est respectu aliarum partium, sed respectu totius Capituli. Zerol. in pr. episc. p. I. v. Capitulum. num. 13. Barbos. de can. c. 18. n. 9. De hoc vero, quod Zyp. in analysi. b. t. num. 1. ait procedere hoc ipsum, nisi consuetudo habeat aliud; quæ passim receptum dicit, ut, quod major pars non solum respectu totius Collegii, sed respectu etiam aliarum minorum partium decernit ratum sit; de hoc, inquam, meritò dubitant Wiestn. b. t. num. 23. Reiffenst. num. 28. Num verum sit respectu electionum Prelatorum & gravium caesarum collegiarum ecclesiasticarum, eti non negent de causis minorum collegiorum. Desumitur quoque major pars in casu, quo aliqui contempti seu non vocati, qui de jure debebant & poterant vocari per respectum, non ad solos praefatos, sed ad hos & contemptos simul computatos. V. g. dum Capitulares sunt octo, ex quibus duo contempti, ut major pars censeatur consensisse, non sufficit ex sex praefatis consensisse quatuor, sed requiritur consensisse quinque, qui computatis simul praesentibus & absentibus constituant majorem partem. Wiestn. b. t. num. 22. citatis Innoc. in c. in Genesi. de elec. in fine. Abb. ibid. num. II. Passer. de elec. c. 11. n. 112. Idque ideo, ne si per injuriam sibi illatam non praesentes non computarentur ad majorem partem constituendam, fraudibus aperiatur via dum, qui quos timerent suis suffragiis adversatuos, possent hac ratione, illos non vocando, excludere, & tamen validè celebrare actum capitularem, quem intendebant. De cætero ad majorem partem constituendam sufficit quicunque excessus Capitularium sive voluntarium, etiam si esset unus medii voti. V. gr. dum Capitulares sunt tredecim, septem vota non nisi medio voto superant medietatem, & tamen actus, pro quo sunt vota septem, à majore parte Capituli gestus reputatur & valet; quia jura regu-